



www.diwanalarab.com

مكتبة ديوان العرب تقدم لكم

العزا عند الحكومة

ديوان شعر بالمحكية المصرية للشاعر

وسيم عبد الغني سلامة

إهداء

إلى روح أخى المرحوم الشاعر : محمد عبد الغنى سلامه

أهدى هذا العمل .

وسيم عبد الغنى سلامه

مقدمة

حظى ديوانى الأول (دلج الأسامى) باهتمام الكثير من الأدباء والشعراء بينهم

الشاعر الكبير الأستاذ / عبد الرحمن الأبنودى الذى خصص له حلقة كاملة من

برنامجہ اليومي " صباح الخير يا خال " على القناة الأولى والفضائية المصرية

وذلك يوم السبت الموافق 2006/5/13م فكان لهذا الاهتمام وهذا التشجيع الأثر

وكان هذا التوقف وذاك التخلف بسبب يأسى من الحصول على وسيلة تعيننى
على توصيل إنتاجى إلى
الناس فأحجمت عن الكتابة اعتقاداً منى بأن الأعمال القابعة بأدراج المكاتب لا
تفيد ولا قيمة لها .

والآن فقط استطيع أن أقدم لكم ديوانى الثانى
" العزا عند الحكومة " لأؤكد لكم عزمى على اللحاق بالركب المستمر فى
العطاء .

أرجو أن يكون التوفيق قد حالبنى فى صياغة موضوعاته ، وأسألکم الدعاء لنا
بمواصلة المسيرة إلى أن يقضى الله أمراً كان مفعولاً .
(المؤلف)

قالوا

• الشاعر الكبير الأستاذ / عبد الرحمن الأبنودى

- شكرا لأخى وسيم سلامه اللى أنا مشفتوش ولا أعرفوش ، بصراحة
زجله عاجبنى

- عنده إحساس شديد بأحوال الناس الغلابة والفقراء

- أنا عرفته من خلال شغله ، جميل قوى، مليان موسيقى ومليان روح
شعبية

(برنامج " صباح الخير يا خال " بتاريخ 2006/5/13م بالقناة الأولى
والفضائية المصرية)

- الشاعر الكبير الدكتور / محمد شكرى

- ديوان (دلج الأسامى) لشاعر يدرك بوعيه وثقافته وحسه المرهف أن
الشعر إضاءة وليس ضوء .

- الشاعر يستخدم صيغا اشتقاقية تلعب دورا فى إبراز الفكرة والعاطفة
معا .

- الشاعر أفكاره حيه وتجاربه صادقه ولكنها تجارب عامة تمس الشارع
وحياة الناس.

(من ندوة (مناقشة الديوان) بقصر التذوق بسيدى جابر فى
2006/11/13م بالإسكندرية)

• الكاتب الصحفى الكبير الأستاذ / وجيه الصقار

- " دلج الأسامى " عنوان استعرته من ديوان شاعر شاب فى الخامسة
والستين من عمره اسمه وسيم عبد الغنى سلامة وهو أول ديوان لهذا
الشاعر الذى انتهج الكتابة باللغة العامية وأبدع فيها ، إلا انه كشف
وبساطة عن مدلولات الأسماء المنتشرة فى الفكر الشعبى ويعكس
فكرته عن سلوكيات المواطنين من خلال تلك الأسماء مصورا مفاهيم
عصره وسلبياته مستهدفا تصحيح المفاهيم فى خفة دم ورشاقة حوار
من " جريدة الأهرام بتاريخ 2006/8/26م "

• "جريدة الأهرام المسائى "

ديوان " دلج الأسامى " يغوص فى مشاكل المجتمع ويعبر عن أحزانه
وآلامه بلغة شاعرية حرة بسيطة

العزأ عند الحكومه

اللى سامعينه النهارده
واللى بتقوله المعارضه
و المشاكسين و النمارده
واخده موقف م الحكومه
شكلهم عاملين كتيبه
كل أفكارهم عجيبه
لما بتجيلهم مصيبه
يلزقوها فى الحكومه
شوف كلامهم فى الجرايد
و اللا أسلوب العرايض

لما يبقى الحق زايـد
يخلقوا عيب فى الحكومه
الكلام دا مش بتاعى

مستحيل حيكون دفاعى
د اللى قأيلاه الأفاعى
هز جدران الحكومه
اللى قلته مش راضيهم
عمرى ما افتن يوم عليهم
د اللى كاتبينه بأيديهم
واللى عارفاه الحكومه
شوف كلامهم ع الخسارة
والفساد جوا الاداره

حسسوا الناس بالمرارة
بس مش يائسه الحكومه
مهما تشقى الناس و تتعب
أو تموت م الخوف وتهرب
مستحيل الشعب يغضب
م اللى بيحب الحكومه
لسه فاكر بالأماره
لما تتشكّل وزاره
كان هناك أجمل عباره
سمعتها لنا الحكومه
الحقيقه والخلصه
العمل محتاج فراسه

اللى واخذ ع الطفاصه
مش حيفضل فى الحكومه
خللو بالكو الناس غلابه
سيبكو من شغل الديابه
احسبوهها بالكتابه
وانجزوا شغل الحكومه
الضمير واخذ اجازة
والبشر عاملين جنازه
بس لو أعرف لماذا؟
العزا عند الحكومه
أنت ليه خايب يا أسطه
تبعث الشكوى فى بوسته

مش تجيب لك برضه واسطه
تنفعك عند الحكومه
هوا عايز .. وأنت عايز
تبنى مصنع برضه جايز
بس سيبك م العرايط
اللى بتغيظ الحكومه
مش غريبه إنك مفلس
ما انت طول عمرك تهلس

بس عيبه انك تألس
ع اللى بتقوله الحكومه
كل يوم بنشوف خناقه
م اللى عايشين بالحداقه

واللى مستنى البراءه
جاب له واسطه م الحكومه
اللى خللا الناس جواعه
واللى خرب فى الزراعه
واللى فرق فى الجماعه
كان بطل عند الحكومه
بشتغل من غير مرتب
و البصل فى أيديه معطب
أصله كان ناوى يشطب
ع اللى فى جيوب الحكومه
كان أبوه شغال (لبودى)
قضى طول عمره حسودى

محتمى بأصله اليهودى
اللى خباه ع الحكومه
جاب لنا الأمراض بحالها
والبلد ضيع جمالها

أصله كان عاشق لمالها
والمناصب فى الحكومه
انتهى عهد الفتوه
اللى خللى الظلم قـوه
واحنا باقيين ع الأخوه
اللى حتفيد الحكومه
أسأله بنفسك وقول له
قبل ما يهـزك بغـله

جاب منين الخير دا كله
بعد شغله فى الحكومه
اللى فاشل فى الوزاره
مسكوه مجلس إداره
لجل تهد العماره
عايزه ترضيه الحكومه
عارفه ان طلوعه هـزه
زى ما يكون حد (رزه)
خايفه ليكون عقله وزه
يفشى اسرار الحكومه
اللى بيحب الشماته
واللى واخذ ع الشحاته

واللى طلق بالتلاته
عينوهم فى الحكومه
واللى متخصص (عماره)
واللى يفهم بالاشاره
واللى خد (نوط الجداره)
مش مكانهم فى الحكومه
اللى عاقل جت له هفه
والمصايب نازله رفه
والبلد عامله لنا زفه
لسه عاجباها الحكومه
الصغير واللى شايب
اللى حاضر واللى غايب

كله يدفع للضرايب
اللى عايزاه الحكومه
الدوا منيل بنيله
طب وماله دا حنا عيله
كل واحد عنده شيله
يدى حبه للحكومه
المريض خللوه فى حاله
داتنكس هوا وعياله
مش كفايه الهم شاله

والدوا عند الحكومه
العمل فخر وعباده
والمريض جوا العياده

لو طلب مليم زياده
مش حتى له الحكومه
اللى من غير ميه يشرق
سيبـوله حبه يسرق
أصله غلبان كان حيغرق
مد ايده للحكومه
صدفه ان البيت جمعنا
حد شافنا أو سمعنا
فين فلوس الغيط بتاعنا
اللى بيعاه الحكومه
المصانع بالاراده
عندها أحسن شهاده

كات تكفيننا وزياده
لو سابتها لنا الحكومه
البهايم بكره تشبع
لما يبنوا (ألف مصنع)
بس مين يفهم ويسمع

اللى قصده الحكومہ
خللو كل الناس فى كربه
يعملو م العضم شوربه
عايشوهم جوا تربه
عامله مش شايفه الحكومہ
هو ده حق الغلابه
اللى وكلاه الديابه

واللى سرقاه العصابه
بكره حتجيبه الحكومہ
اللى مش عاجبه تقوله
لسه باقى الشعب كله
مستحيل يقدر يذله
أى واحد فى الحكومہ
اعرفى حدودك يا جاره
انت ليه عامله لنا غاره
مش فلوس الناس خساره
ترمى عند الحكومہ
لو فضلت أنعس ومدد
أو قعدت أندب وعدد

يبقى حقضى العمر أسدد

فى اللى سلفاه الحكومه
ما تفلوش فىن المكاسب
هوا دا الوقت المناسب
وكلوا أجدع محاسب
وابدأو حاسبو الحكومه
كل شىء حىعود لأصله
الكريم يعمل بأصله
لو حىتعرض لفصله
واللى مش راضيه الحكومه
المشاكل هللا هللا
نضفو أيديكو وىللا

علقوا ع البيت ما شالله
وارقوا مسئول الحكومه
لسه عندى كتير حقوله
كل شىء عارف أصوله
لو سهرت الليل بطوله
مش حتسمعنى الحكومه
مش حتسمعنى الحكومه

فzورة (1)

بيعمل جنازه .. إذا جت أجازة
ويبكي ويلطم .. ويبقى حزين
وعاملينه حارس .. لكل المدارس
ويا خسارة يطلع ما هواش أمين
ولو جيت سألتة فى أسباب ندالته
يقولك مفلس .. ويحلف يمين
يجيب المصائب ويدفع ضرايب
ويحيط نفسه مع المظلومين
بيعمل عمائله وتزعل زمايله
ويتبروا منه .. ومش مبسوطين
ولو رحت بيته .. وشفته وناديته
ح يجرى ويهرب.. وما يقولشى مين
ما عندوش سماحه وعنده بجاحه
قولولنا بصراحه دهه يبقى مين ؟

(ناصر زمان)

من يوم ما جيت شرفتنا
نورك بدأ يمحي الظلام
واكمن قلبك حيننا
علمتنا أحسن علام
واللى اتجرح من وسطنا
صحيته من كل الآلام
طبعك جميل عودتنا
بتقول وتصدق فى الكلام
والخير يجيلنا لحدنا
مش خطبة تتقال والسلام

الدين علينا تسدده
من غير ما نسمع لك نواح

والمفتري بتهـدده
يتهد ويصيه الكساح
كل اللى كنت تحـدده
بيكون طريقنا للنجاح
وف كل حرف تـردده
بتأكده وتجيب سلاح
تبني البلد وتجدده
وتعلم الناس الكفاح

إنت اللى كنت تجيب لنا
ويا العسل أحسن فطار
وف كل يوم كان عندنا
وقت الغدا لحمة وخضار
ناكل ونشبع كلنا
والحلو كان آخر النهار
كلك شهامة وجدعنا
عرفتنا أحسن شعار
أيديك تدافع عننا
والتانية تبني للعمار

مصر بجلالة قدرها
كان عندها فيه مال قارون
ضاع كل شئ معمول لها
واتهدمت كل الحصون
جادت عيوننا بدمعها
واتشقت كل الجفون
وانت اللى كنت تعزها
وتحطها جوا العيون
وبكل حب تضمها
صدرك عليها كان حنون

اعذرنى إن كات شكوتى
خلتنى قدامك حزين
دالهم بهدل جتنى
وتعبت من غدر السنين
عمال أقول يا دهوتى
وأنده مافيش مخلوق يعين
والكل سامع ندهتنى

وجيرانى سامعين الأنين
ده كان نصيبى وقسمتى
واللى انكتب فوق الجبين

مش قصدى أزعل حضرتك
دانت البطل وانت الزعيم
والكل عارف مشيتك
كات ع الصراط المستقيم
انت اللى كنت بحكمتك
تشبه للقمان الحكيم
ولما زادت همتك
شفنا على أيديك النعيم
ياريتها دامت عشرتك
يا فارس (السد) العظيم

أيامها كنا نقربوا
ونحسوا فى وجوده بأمان
و (الشله) كانوا بيهربوا

ويصوصوا زى الفيران
كل الأعادي اتكهربوا
ساعة ما قال للأمريكان
البحر أهه ياللا اشربوا
ورونى إن كنتم حيتان
ليه كللكوا بتستغربوا
مش هوا ده ناصر زمان ؟

طب و ماله

أغنيه ؛

بيعايرنا بكثر ماله بعد ما عشقنا جماله
لما قلت لقلبي قاللى مش بحبه .. طب وماله

هوا عايش بالمحبه واحنا دايبين فى المحبه
بالهداوه حبه نملكه هوا و ماله

ياما شفنا كام فقير شغلته عامل اجير
بالشرف اصبح امير واتغنى والسعد جاله

حب واتدلج كتير خللى حسادك تغير
دا الهوى مالهوش كبير واحنا خالنا زى حاله

مش بقول لك طب وماله

وأخترتها إيه

تعبنا وصبرنا وأخترتها إيه
محدث جبرنا منعرفشى ليه
و هما اللي قالوا وخطوا وشالوا
وخللونا نحلم بمستقبل إيه
سمعنا كلامهم وحافظين علامهم
ودلوقتي هما بينسوننا ليه
شهادتك فى جيبك متظهرشى عيبك
وتحفظ كرامتك وتبقى انت بيه
وقلنا نبيعوها ونستثمروها
مفيش حد خدها بعشرين جنيه
زميلنا فى دكة .. أبوه شاف له سكه
وحدد طريقه ودله عليه
وراح جاب له واسطه.. معلم وأسطى
وظبط أموره وبحبح إيديه
و من غير مسابقه يفوز بالمسابقه
ويمسك له شغله بألفين جنيه
دا عقد حياتنا وسود عيشتنا
وأكثر زمايله بيدعوا عليه

وشوف العباطه .. بيمشى بالاطه
وكان ع البلاطه ودلوقتى بيه
موظف نقاوه وفارض إتاوه
على كل (سبويه) ياخذ جنيه

ولو حد حاول يقلب فى عيشه
بينتف له ريشه ويقضى عليه
بياكل بغاشه وعاملينه باشا
وكل اللى عايزه بيحضر إليه
ولو جت له شكه وكان عنده زكه
يجيبوا الهدايا ويبكوا عليه
وفوق الماسوره يحطوله صوره
ومكتوب عليها سلامتک يا بيه
وجيت مره أقول له منين جيته كله
زعل من كلامى وغمض عنيه
وقاللى انت مالك وخليك فى حالک
وفكر فى حقك ودور عليه

بتكتب شکاوى فى قلب القهاوى
وجاى بسلامتک تقطمنى ليه
ولما انت عارف وعندک معارف
و مستغنى عنى بتسألنى ليه

أخوك طبعه حامى مهواش حرامى
محدث حيقدر يعطل عليه
ولو حتى (سیدی) وقع تحت إيدى
حكسر دماغه وطلع عنيه
وخلليه يطاطى ويخدم مراتى
ولو راح فى داهيه منبكوش عليه
وخذ منى جانب و فرحوا الأجانب
و خللونا نتخضموا معرفشى ليه

وصالحونى ناسه وجيت بست راسه
وقلت لسيادته: سامحنى يا بيه
و مش داللى عاجبه بيرفع لى حاجبه
وكان لسه عايز أبوس له إيديه
وقاللى بالأطه بلاش العباطه
وقوللى بصراحه عايز تعرف إيه
و إنت وزمايلى بتنسوا جمايلى
وبتغيروا منى وحاسدينى ليه
عايزنى أبقى(غاندى) سلامتک يافندى
مدام جت لى فرصه أضيعها ليه
وضيع حياتى وأسهر ليلاى
وابنى فى إيدى ودور عليه

حتقبل نصيحتي وتعمل بشورتى
حتاكل بغاشه وما تقولشى ليه
وبس أنت حاول واعمل مقاول
وخذلك مناقصه بمليون جنيه
و روح وسابنى وايه بس جابنى
أضيع فى وقته وغلت عليه
سيادته محأيد وفيه ظلم زايد
مفيش حد منا حيقدر عليه
و بكفاية ضعنا ودوخنا وجوعنا
وقدام عنىكم وسايبيننا ليه
مدام ده نصيبنا محدش يعيبنا
و متخلوناشى نعدد عليه

تعبنا وصبرنا محدش جبرنا
وطال انتظارنا وأخرتها إيه
تكالنا عليكم وروحنا ف أيدىكم
وحاولوا تقولولنا على الحل إيه

فـزوره (2)

مهوش فى الحصانه وملهوش حصانه
ولا حتى يعرف يقول هوا مين
ومشغول تمللى .. ويقدر يخلى
جميع المصالح فى إيداه اليمين
وشايل له شنطه.. ويبروح لطنطا
وأكثر كلامه مع المسئولين
ملوش فى الصراحه وعنده استراحه
ودايما بيمشى مع الطباخين
و فى كل (معزى) بيدبح له معزه
ويقعد يفرق على النصابين

و عمال يسقف .. وما رضاش يوقف
متعرفشى هوا بيسقف لمين
وبيغيظ فى خصمه ويخلى اسمه
نصير الغلابة .. أبو الشحاتين
ملوش فى التحالف وعمره مخالف
وفى اليوم بيحلف له ألفين يمين

وتفضل تحاييله .. وهوا وزمايله
يقولوا اتظلمنا ومش مرتاحين
ويجى بسلامته .. عشان إنت لمته
يقولك حكايته برقه وحنين
جرينا وشقينا .. وضاع نور عيننا
وقدام سيادتك أهه تعبانين

وقاعدين فى حالنا .. وشايفين عملنا
وإحنا اللى نطلع كمان غلطانين
وخليه يكوش .. ويقعد يحوش
مسيره حيعقل مدام عنده دين
مفيش حد عابه فى كل اللى جابه
وأسأل جنابه .. حيديه لمين
مهوش م القناطر .. وعمره مخاطر
ولو كنت شاطر .. تقول هوا مين

" فوضى الأسعار "

صبرنا وألطف بنا
يا عالم الأسرار

أصل الميزان عندنا
خَرَفَ وِجَاله سَعَار
والخبيبة دى جات لنا
من هوجة الأسعار
يبقى الغلط مننا
واللا من التجار
إيه راح يفيد الندم
والسوق مولى نار
القرش أصبح عدم
ما يجيشى رأس مسمار

يعنى اللى بيته اتهدم
حيوطه بأسوار
ويعيش فى وسط الخدم
من غير سكن أو دار
الشعب ده خصلته
ما يحبش الغدار
يصبر على بلوته
مهما يكون مختار
تتعب قوام معدته
لو حضرو له فطار
يعنى يدوب أكلته

طقه فى كل نهار

الزاد فى بيتنا كدا
فحلين بصل وخيار
ناكلوه فى وقت الغدا
مش لحمه والا خضار
وان جه خسيس م العدا
يعمل علينا حصار
بيكون دا كبش الغدا
وبينضرب بالنار
لازم يكون فيه خشا
مش بحلقه ونقار
لو حد جالنا ورشا
ما نبوحش بالأسرار

وان قلنا فين العشا
او جوعنا باستمرار
ماتهمش الخربشا
عشونا بالصبار
النصابين كلهم
فارضين علينا حصار
أصل (البعيد) جدهم

كان مفتري وغدار
كل اللي كان ملكهم
معزة وحمل وحمار
دلوقتي فيه عندهم
فى البنك ميت مليار

صابين علينا الغضب
من غير سبب أو تار
واحنا فى غاية الأدب
ساكتين على الأسعار
لو حد فينا ندب
يدوله كام إنذار
ويعلموه الأدب
ويحبسوه فى الدار
النصابين يا جدد
صايدنا ليل ونهار
شاطرين فى ضرب الودع
وبيلقوا الأخبار

ماليين حياتنا خدد
عاملينها بطن حمار
واحنا إن عملنا البدع

ما بيقبلوش أَعذار
أصل الزعيم عندهم
راجل خبيث مكار
هوا اتعرف وسطهم
إنه أبو الأفكار
واكمنه بيعزهم
بيولع الأسعار
ويسقفوا كلهم
لما تشعلل نار

فى الأصل كان بميجى
قاعد بيع فى خضار
جاله صديق عربجى
فضفض له بالأسرار
قال ح أشتغل بورمجى
وامشى مع التيار
وأبقى زعيم قرعجى
واعمل فلوس مليار
حياقوا فىن زينا
شطار ولاد شطار
ضاع كل شئ عندنا
والخبيثه بالقنطار

المال خدوه مننا
حفنه من الأشرار
وبنعبدوا ربنا
و بنكتبوا الأشعار
كل اللي قلناه حصل
طبعاً مافيهش هزار
إن كان كلامنا وصل
أبقوا عملوا لنا (ظار)
وادونا لحسه عسل
وارمونا جو النار
يمكن يروح الكسل
ونبطلوا استهتار

(أرض الأسود)

مرت على المجروح سنين
والجرح لسه والأنين
سيبتوا العيال اتهدلت
ونسيتوا احنا نبقوا مين
بالذمة مانتوش مكسوفين
الأخ عارف حق أخوه
وعيالنا لازم يعرفوه

وانتم عليكم تنصروه
مش تقعدو له مكسحين
بالذمة مانتوش مكسوفين

شايقين ندالة إسرائيل
بتحطم الشعب العليل
وبتقتل الناس فى الخليل
واحنا ف بيوتنا هاربانيين
بالذمة مانتوش مكسوفين
تضرب فى غزه والجولان
و البصره وف قلب السودان
ميهمهاش فىن المكان
وتقولوا ما حناش مقصودين
بالذمة مانتوش مكسوفين

أمريكا تديها السلاح
وكلاب ما بتبطل نباح
قتل الشعوب أصبح مباح
عند الحسالة المجرمين

بالذمة مانتوش مكسوفين
(الجامعة) واخذه كام قرار
بتحرض الناس ع الفرار
وبخمس ميت مليار دولار
شاريين سلاح ومخبين
بالذمة مانتوش مكسوفين

خايفين من الجيش الوضع
وتسيبوا حق الناس يضيع
دول بعدموا الطفل الرضيع
وبيقتلوا ام الجنين
بالذمة مانتوش مكسوفين
بتقولوا إن الحق مات
وإن العلاج هو السكات
أمريكا ما يصحش تبات
هيا وصحابها زعلانين
بالذمة مانتوش مكسوفين

كل اللى قلتوه ع الجيوش
يطلع هجص يطلع فشوش
مين بعدهم يقدر يحوش
ظلم الصهاينه السفاحين
بالذمة مانتوش مكسوفين
طالبين من الخلق السكوت
دى حاجه مش ممكن تفوت
سايين عيال الناس تموت
وتقولو ما حناش مسئولين
بالذمة مانتوش مكسوفين

السفاحين ويا الغراب
حطين على عنىكم تراب
ومخبين عنكو الخراب
لتشوفوا خيبة المسلمين
بالذمة مانتوش مكسوفين
واخدين فلوسكم مليارات
وان فكروا فيكم ساعات
يلقموكم بالفتات
ويقولوا عنكم شحاتين

بالذمة مانتوش مكسوفين

الفكرة مش فكرة علام
دول عشموكم بالسلام
وبيخدعوكم بالكلام
ويشغلوكم خدامين
بالذمة مانتوش مكسوفين
حارمين الزاد والعتاد
ومحرمين كلمة جهاد
دول كرهوا فينا العباد
واحنا بقينا منبوذين
بالذمة مانتوش مكسوفين

ربك رزقنا بالرجال
وادانا ويا الصحة مال
بتخافو من كلمة قتال
ومعاكوا رب العالمين
بالذمة مانتوش مكسوفين

ياللى أنت طول عمرك عنيد
اعقل وفكر من حديد
دالهم جاى لك من بعيد
واحنا ابتلينا من سنين
بالذمه ما نتوش مكسوفين

خليك كدا شايلى إيدك
بكرة حيلى الدور عليك
نفس العدو حيحور عليك
طول ما أنت واحنا مرعوبين
بالذمه ما نتوش مكسوفين
النجده يا ولاد الأصول
الناس هنا عايشه ف ذهول
سايين أخوكم ياكله غول
هوا وكلايه السعرانيين
بالذمه ما نتوش مكسوفين

لبنان بيغرق الحقوه

مدوا إيديكم وانجدوه
مش برضه عيه أما تسيبوه
عمال يهاتى من سنين
بالذمه ما نتوش مكسوفين
الأمريكان ويا اليهود
عاملين على عيالكم أسود
اتعودا يعدوا الحدود
ويسيبو منكم مقتولين
بالذمه ما نتوش مكسوفين

داخلين وحجتهم أسير
واحنا لنا أبطال كتير
من ضمنهم فيه كام وزير
فى السجن ويا المجرمين
بالذمه ما نتوش مكسوفين
عاملين حريقة فى كل دار
واللى اتبنى أصبح دمار
لو هما أقوى م (التتار)
احنا العرب والمسلمين
بالذمه مانتوش مكسوفين

جايين وراسمين الحدود
اللى حيخدوها اليهود
مفروش طريقهم بالورود
واحنا الغلابة المقهورين
بالذمه مانتوش مكسوفين
حزب الله أثبت من حديد
إن إحنا أسياد مش عبيد
وإن العزيمه من حديد
عند الرجال المؤمنين
بالذمه مانتوش مكسوفين

صهيون حفر قبره بإيديه
والخوف أهه باين عليه
حنسيه يهرب واللا إيه
مش هوا دا الخصم اللعين
بالذمه مانتوش مكسوفين
الواد بطل طالع لأبوه

ما تهبطوش عزمه وسيبوه
ياخذ بتار جده وأخوه
متخلهوش قاعد حزين
بالذمه مانتوش مكسوفين

فاكرين حكايات الجدود
ع الأمريكان ويا الهنود
حنموتو ومعانا الجنود
طب واحنا ليه مستنيين
بالذمه مانتوش مكسوفين
إيه اللي فاضل حتشوفوه
إيه اللي عايزين تعرفوه
داللى يصللى بيقتلوه
فى المسجد الأقصى الحزين
بالذمه مانتوش مكسوفين

الأرض دى لازم تعود
بالتضحية مش بالورود

مش هيا دى أرض الأسود
والأنبيا والمرسلين
بالذمه مانتوش مكسوفين

(من غير كسوف)
يادى الاذيه يادى الكسوف
الباشا قاعد زى الخروف
سايب مراته هيا وحماته
راكنين سيادته جنب أرفوف
كاشش فى نفسه وف برج نحسه
من غير مناسبه مليونه خوف
لازم حدوده . . حافظ وعوده
لينوبه منهم حبة كفوف
ما تقولش هما جايبين له حمى
ماسكين مدافع والا سيوف
زرتة فى بيته شفته و لقيته
ماسك مقشه ومعاه جاروف

ويسمحوله يفرح بطوله
ويعللى صوته لو فيه ضيوف
وقت الزياره كان بالاماره
حاطط فى جيبه حبة الوف
ومراته شاطره حطط له قطره
مش عايزه عينه تقدر تشوف
تلهف فلوسه وتقوم تبوسه
وتقول حبيبى راجل عطوف
يضحك ويفرح وبمخه يسرح
أصله بسلامته مدمن كيوف
واكمنه غالى تعليمه عالى
ومعلمينه ضرب الدفوف

فى الرقص شاطر لو جاله خاطر
يرقص يغنى . . من غير كسوف
ويقول سيبنى اعرض فنونى
ياللى انت غاوى بحلق وشوف
وف كل مره حتشوفه بره
حتلاقى عنده نفس الظروف
لوجيت سالتة ازاي حالته
ينطق يدوبك أربع حروف
دول هما اسمه لو شفت رسمه

حتقول د راسم لية خروف
فى الشغل خيبه لو كاتش عيبه
كان يلقي نفسه برا الصفوف

وبغلطه منه يستغفوا عنه
ويزيلو اسمه من ع الكشوف
تفكيره خايب جاب المصاب
للبن (عيشه) والواد (رؤوف)
واكمنه هوا عامل فتوه
ع البلطجيه دايمما يلفوف
اصله انتحارى كان برجه نارى
مولود سيادته وقت الخسوف
قول يا ابن عمى ياللى انت أمى
قولها بصراحه من غير كسوف
فيه حد أهبل يرضى ويقبل
يبقى اسمه نعجه والا خروف
(هو مسلم او مسيحي)

شفت واحد امريكانى
لما بصيت له ندانى
قاللى لو تسمح ثوانى

هوا فين بيت المسيحى
قلت له ده ابن عمى
دمه مطعم بدمى
لو بكيه يسهر لهمى
واسمه معروف بالمسيحى
هوا ما بيعدشى عنى
من زمان معجب بغنى

لما يسمعنى بغنى
بيقى متسلطن فريحى
عايزه ليه ياسى الخواجه
انت طالب منه حاجه
لو حتطلب أى حاجة
حقضيهالك م المسيحى
قاللى بالصدفة معدى
شفته مظلوم فى البلادى
جيت وناوى ع التحدى
اللى حيفيد المسيحى
قلت ما بيناش خصومه
واسأل انت فى الحكومه
داحنا جاين من عزومه

عند مسعود المسيحى
نختلف ممكن وحاييز
بس ماتجيش للعرايظ
كل واحد منا عاييز
يدى روحه للمسيحى
مهما كنت كبير وعصرى
انت عارف انى مصرى
بتكتب فى شهادتى مصرى
قبل مسلم أو مسيحى
روح يا شاطر قول لماما
خفى حبه م (الدراما)

البلد خير فيها ياما
واللى بسندها المسيحى
قول لها د المصرى شاطر
عمره ما يفكر يخاطر
واللى نجاه م المخاطر
كثر حبه للمسيحى
قول لها دول هما عيله
واحداهم وبلادهم جميله
كلهم شايلنها شيله
ابن مسلم او مسيحى

واوعى تنسى تقول لجدّه
مهما حيله رح يشده

ربنا لازم يهدده
زى ما بيأذى المسيحى
انتو فارضين الوصاياه
دانتو و(الخمسين ولايه)
متساووش عندى العبايه
اللى بلسها المسيحى
هيا دى مصر العظيمة
مش حتعمل لى انت قيمه
لما تدبح لى بهيمه
والا تسأل ع المسيحى
الجدع عمال يخرف
مش سكوته برضه اشرف

داحنا أول ناس بتعرف
قيمة الدين المسيحى
لو مكانشى الغدر عيبه
كنت وديته ف مصيبه
واللا حظيته ف زريبه
عند جبران المسيحى

دا اللى راحوا اتأمريكولى
يرجعوا يتنططولى
فرحوا فى عزولى
لما جم عصوا المسيحى
الأجانب غيروكم
كانوا دايمًا بحسدوكم

لما بيشوفوا ف عنىكم
غيرة المصرى المسيحى
اللى دايمًا بيعادونا
لو ساعدتوهم علينا
يخدو كل اللى ف ايدينا
واللى كان فيد المسيحى
انتو عارفين قبل منى
ان انتم حته منى
لو يقرب حد منى
يبعده عنى المسيحى
صح صحوا يا خوانا مالكم
رح يقولوا أيه عيالكم

كان زمان مالنا ومالكم
بنشوه عند المسيحى

المزايدة مش شطاره
يا ما بتجيب الخسارة
لما تسألنى الوزارة
فيها كام واحد مسيحي
برضه بتقول كام محافظ
انت لازم تبقى حافظ
الوزير والا المحافظ
مش ضرورى يكون مسيحي
خللوا مقياسكوا الكفاءة
والنضافة والجراءة

وامنعوا سؤال الإساءة
هوا مسلم او مسيحي
وضحوا الغيره وقيسوها
وارجعوا لمصر وبوسوها
زى ما تحبوا احسبوها
يطلع الناتج مسيحي
انتو مش عاشقين ترابها
طب وليه تسعوا لخرابها
هوا دا يبقى اللي نابها
بعد ما تربى المسيحى
ابنى واعمل كام كنيسه

زى ما تقول الكنيسه

يوم ما تبنى فى الكنيسه
كلنا نساعدو المسيحى
التشدد والفضول
لو حيتعدى الأصول
عمره ما يحوز القبول
حتى لو كان من مسيحي
حتى لو كان من مسيحي

الحجاب

مش برضه عيبه نهللو
وتقولوا مش عايزين حجاب
وتسقفوا وتطبلوا
وتوقفوا زى الغرباب
مش ناقصه تيجوا تكملوا
وتحسسونا بالعذاب

وبدال ماكنتموا تترتلوا
بتلطفوا الدين بالهيباب
نفسى تتوبوا وتعملوا
بالسنه وبأمر الكتاب

قاعدين تقولوا وتحلفوا
إن الأدب لازم يــــزول
وإن احنا رح نتخلفوا
طول ما احنا بنحبو الرسول
وبدال ماكنتموا تخرفوا
اتعلموا قبله الأصول
لو انتو عأيزين تعرفوا
ح نخللوا سيدنا الشيخ يقول
كل المشايخ شرفوا
حيعرفوكم بالأصول

بس انتو ما انتوش مننا
روحوا بأفكاركم بعيد

بتشوفوا ايه حيزرنا
وبتدوهولنا فى الوريد
سيبوا الفضائل عندنا
وابقوا اشترولكم دين جديد
حتموتوا وانتوا فى وسطنا
لو حد شافكم م الصعيد
بكره ملايكة ربنا
حيسلسلوكم بالحديد

هوا انتو فاهمين رأيكم
رح يفرحوا بيه الشباب
دول هما عارفين قصدكم
ومحضرين أحسن جواب
إن كان د وافق طبعكم
يبقى أنتو جالكم اكتئاب
إزاي تعيبوا ف أهلکم
وعيالكو لابسین الحجاب
معرفةشى ده من جهلكم
واللا انتو قاصدين الخراب

مصر العظيمة بأهلها
عاشت لآلاف السنين
صاينه كرامة نفسها
بالحكمة والعقل الرزين
ممنوع يعيشوا ف أرضها
البلطجية المرتشين
واللى يقرب منها
بتخللى أخرة عيشته طين
يا رب طول عمرها
واحميها م الحقد اللعين

فزوره (3)

بيعجن بإيده ويخبز كثير
وبيعض سيده وملهوش كبير
و عاملين له هيبه وفى الشغل خيبه
وقال إيه جنابه عامللى مدير
بيشخط وينطر ويكذب ويفششر
وبيقول شكرنى سيادة الوزير

وأكثر زمايله .. بتعمل عمالته
وبعضوا إيد المريض الفقير
بياخدو اللي حيلته وبيحاربوا عيلته
مخلوش فى بيته جنبه أو ريال

وضاع منه صوته .. وعجل بموته
وراح القرافة وساب العيال
بيكلونا شركه .. وما تقولش تركه
مفیش حد غيرهم فى هذا المجال
وفى كل ساعه .. بتحصل مجاعه
و أسعار فظيعة تفوق الخيال
مفیش غيره هوا .. بيستنى جوا
و يعجن ويخبز فى مصنع جديد
وعمال يصدر .. والله يقدر
و تتحط فيده أساور حديد
ويتقص ديله .. ويتهد حيله
ويقعد مكسح ويفضل مريض

وندوله إبره .. عشان يبقى عبره
تخلصنا منه ويبعد بعيد
ونقفل له شركة .. ونرموه فى بركه
و كل اللي زيه نكسر إيديه

دا خارب بیوتنا و مرر عیشتنا
وخللا علاجنا بملیون جنیه
وظلمه جرحنا .. ودلوقتی إحنا
بنسحت دوانا ودایخین علیه
ما نسکتشی عنه وما نخافشی منه
ولازم نقول له بتسرقنا لیه
بیشکی الخساره وینی العماره
و یحرق سیجاره و یعمل حزین

وهوا وصحابه بیأذوا الغلابه
و یخبوا منهم شریط أسبرین
وعاملین دکاتره .. و حطولنا قطره
و خللوا حیاتنا هبابه و طین
عدوک دی (مافیا) وفونک بعافیه
و مقدرشی أقولک .. دهه یبقی مین

(إحنا برضه الغلطانین)

الكلام زاد ع (الوراثة)
سيكوجيه م السياسه
داحنا فى سوق (النحاسه)
بيبعونا المجرمين
بهدلونا ف كل حته
قطعونا حته حته
أصل كله رمى حته
واحنا برضه الغلطانين
العرب كات يد واحده
والمناققين والملاحده
لو يمسوا أى واحده
ينسفوهم أجمعين

إحنا كنا قوه (سانه)
ما نخافوش من أى هته
لو قماشه بيتنا عته
عندنا (الحبل المتين)
دول قالوها بكل قوه
إحنا أمريكا الفتوه
عندنا فى الحقد قوه
رح تبيد المسلمين
الديمقراطى الحقيقى

يمشى ويايا ف طريقى
لما اعوزه يبل ريقى
حبقى أقول له يروح لمين

لما ذلوههم فى (كوريا)
راحو للسودان وسوريا
أصل إيران (السجوريا)
زودت ويلهم ويلين
لما دب الظلم دبا
مجلس الأمن استخبي
شم ريحة الغدر هبا
لما قال الحق فين
العراق عمال يهاتى
راحو فين أهلى وخواتى
واحننا نتفرج يوماتى
ع اليتامى المقتولين

يضربوهم بالقنابل
يحرقوا كل السنابل
انتو فيكم حد قابل
يفتروا ع المسلمين
الجبان لما تطاطى له

يتنفخ .. يلعب بديله
تشكمه .. يرضى بقليله
عرفوهم إحننا مين
يمسكو لمين العصايا
ديننا مش محتاج وصايا
داحنا حافظين الوصايا
اللى قالها لنا (الأمين)

كل ظالم عنده دافع
يضرب الناس بالمدافع
واحنا مش عارفين ندافع
ع الغلابه المظلومين
كان هناك قنديل منور
كسره عفریت مصور
رحت فى الضلمة أدور
عن بلاد المسلمين
أهل (قارون) بحسدوكم
ع اللى سابوكم أبوكم
وانتو قاعدین يضربوكم
الحسالة المجرمين
اللى عاملين ربطيه

واللى عأيشين بلطجيه
واللى ضد الانسانية
حزب أمريكا اللعين
(التحالف) لما طبوا
لمو كل الخير وعبوا
واحنا فالحين نستخبوا
لما نعرف هما مين
إحنا ليه ساكتين عليهم
هيا أرواحنا ف إيديهم
بالايمان نقدر عليهم
ونسبوهم مهزومين

د اللى قايلينه المشايخ
خللا عود الفجل شاخ
والبطل قاعد ودايخ
والصبايا مقهورين
تقبلوا ازاى الإهانه
وانتو حاملين الأمانه
لو رضيتوا الإستكانه
مش حيرضوا المسلمين
لو بديهم كمم وكم
والا حاولوا يشتتوكم

متخافوش لو هددوكم
داحنا مش مستضعفين

ما تقولوش فين الحراسة
بطلوا شغل الخبائثه
وابعدوا عنا النجاسة
دا اليهود عاملين كمين
قول يا عم الشيخ شحاته
قول لنا سورتين تلاته
ع الحياه بعد الإماتة
والصحابه المؤمنين
لوأخوك واقع فى ضيقه
واللا بيته فيه حريقه
تجرى وتشوف لك طريقه
تحمى بيها المنكوبين

واللا حتسيبه وتهرب
واللى يخرب عنده يخرب
لو يحتاج ميه يشرب
مش حتسأل فيه سنين
هوا د الظلم اللى حاصل
والألم للكل واصل

اليومين دول فيه فواصل
بين جموع المسلمين
قول لهم يا خلق احنا
لسه برضه زى ما احنا
الفراق عابنا ودبحنا
واحنا لسه مجروحين

الجهاد فرض وعباده
لما نوصل للإجاده
نبقوا فى غاية السعاده
واحنا دايمًا منصورين
الفقير ملهى فى حاله
لو حتشرد عياله
رح يقولك طب وماله
ما احنا مش لاقين عجين
لما نتمسك بديننا
ربنا بفضله يعيننا
ويساعدنا نسد ديننا
مهما كنا مديونين

أرجو م السادة الأفاضل
كل واحد عنده فاضل

يدى للشعب المناضل
من زكاة المسلمين
هيا دى بذور المحبه
اللى غابت عنا حبه
لما تسقوها بمحبه
رح تكفى المؤمنين
دعموا حصونكم بمالنا
ينصلح حالكم وحالنا
نحمى أوطاننا وعيالنا
من شرور الحاسدين

تعليمات (الميرزا على)

اللى سمى نفسه باب
كان حرامى بس تاب
مات وابوه متبرى منه
واندفن تحت التراب
يومها جم حبة دياه
قالوا دا حنام الصحابه
اللى كونا العصابه
بعد ما شفنا العذاب
المنافق والمرارى
ابتدوا يا خدو التعازى

يعنى بالقول المجازى
مات وساب حبة كلاب
كانوا يومها خمسة ستة
والمدام اسم الله جته
جت لهم من كل حته
المصايب والخراب
فهمتهم خالته (ريمه)
إن سى عليه البهيمه
جاب لأصحابه الشميمه
لما سمى نفسه باب
المنيل راح زمانه
بعد ما اتقطع لسانه

(والبهاء) جه خد مكانه
اللى كان تلميذ وخاب
كان زمان الله يحوسه
عمره ما يذاكر دروسه
لما سيدنا الشيخ يدوسه
يدعى إنه استعاب
هوا كان مخبول وعاب
إتولد من صغره شايب

واسمه جلاب المصاب
اللى عيشته كات هباب
القمار نضف جيوبه
والفلس بين عيوبه

والعدو سهل هرابه
لجل ما يعم الخراب
(شله) ملهاش أى لازمه
كل يوم عامله لنا أزمه
والبهائى مخه جزمه
ما يساويش فردة شراب
هو زى الطور وحته
لو قابلته ف أى حته
سلمه تذكرته سته
وابقى خد منى الحساب
هو معقول البهائى
اللى لسه فى ابتدائى

يبقى له موقف عدائى
م الشريعة والكتاب
ده يا دوب تعبان صغير
مهما كان عقله صغير

مستحيل يقدر يغير
حاجه فى عقول الشباب
شوفوا يا خونا البجاحه
والسفاله ... والوقاحه
هما عايزين الإباحه
واحنا فى ايدينا الكتاب
الحقيقه بينكروها
والشريعته بيرفضوها

والرذيله بيعملوها
بكره حيشوفوا العذاب
هما عايزين تبقى هيصه
كل أفكارهم خبيثه
لو مكتشى الناس حريصه
يلهطو من غير حساب
تعليمات (الميرزا) علوه
اللى كان قاعد فى خلوه
مش حتبقى الدنيا حلوه
وانتو لا بسين الحجاب
خللو بالكم يا جماعه
الصلاه مش فى الجماعه

والدعا مش كل ساعه
هوا مولد صاحبه غاب
إوعى حد يروح لمكه
واللا يمشى ف أى سكه
حجوا واتباركوا بعكا
والحسوا فيها التراب
ترجعو لنا بالسلامه
بعد ما تشوفوا علامه
تبقي فوق راسكم يمامه
والبهاء فوق السحاب
الجنان واضح وباين
والبهائى طبعه خاين

لو سألناه ع الكماين
مش حيدينا الجواب
هوا فين (الباب) بتاعكم
اللى ضللكوا و خدعكم
بعد ما اتلميتوا بآعكم
واستخبى فى التراب
اللى كنتوا بتسجدوله
علو صوتكم واندهوله
لو حيسمعكم قلوله

لو سمحت افتح يا باب
مهما حيكون إيه فى بالكم
مش حتخدوا غير عملكم

مش مهم انتو اعترافكم
بالقيامه والحساب
يا بهائى يا خيتها
يا للى ديناك اشتيتها
بعث دينك واشتريتها
بكره حتشوف العقاب
ما تخافوش يا خلق منهم
وابعدوهم غصب عنهم
وان قابلكم حد منهم
حنطوه زى الغراب
لبسوههم جلابيه
وافتحو لهم (عباسيه)

واعملوا لهم كام قضيه
فى المباحث والأداب
اللى ينكر دين حدوده
واللى يتعدى حدوده
قطعوا جسمه وخطوده

وارموا عضمه للكلاب
كل ما نفكر نلاقى
هووا دا الحل النهائى
اللى حيللى البهائى
بيقى عبـره للشباب

(الدروس الخصوصية)

شقينا وتعبنا وجالنا كابوس
وبعنا هدمنا عشان الدروس
ومن يومها جوعنا وفاضت دموعنا
وطقتنا لقمه ومن غير غموس
وصعبان علينا نشوفوا بعيننا
عيالنا ومالنا فى إيد اللصوص
دعينا عليهم .. وبسنا إيديهم
مفيش فايده فيهم ضعاف النفوس
ورحنا الحكومة .. عرضنا الخصومة
وقدمنا شكوى بهذا الخصوص

وقلنا انجدونا .. وإوعوا تسيبونا

عيلنا بتشكى ومش مبسوطين
وفيه ناس تعالب .. بتعمل مقالب
ومنهم بطحجية ومدرسين
ميتمرشى فيهم .. وظيفة ف ايديهم
وربك ساترهم ومش محتاجين
بياخدو اللي فيدنا ونسونا عيدنا
ولو يوم بعدنا بنتعب سنين
وكل اللي فاضل خدوه الافاضل
وخللونا نشحت مع الشحاتين

وسابوالمدارس مفيش فيها حارس
وقاعدين فى بيتهم وفاتحين فصول
كتب كل واحد عشان هوا جاحد
على الحيطه عنده شروط القبول
وقاعد ممدد .. وعمال يعدد
وهو اللي حدد رسوم الدخول
مفيش حد غيرهم كوانا بنارهم
ولسه اللي عاملينه شرحه يطول
عنيهم صابتنا وخاربن بيوتنا
واحنا ان سكتنا مهواش أصول

بتشكى لى حالك وبتقوللى مالك
دى اكبر مصيبه وملهاش خلوص
وفورت دمي بهمك وهمي
بلاش يا ابن عمى حكاية الدروس
دى شلة ديا به ياكلوا الغلابة
وهما اللى خللو سيادتك تلوص
عيالنا تناديهم وأحسن ما فيهم
يسيب اللى فيده ويعمل طقوس
وساعة ما يبدأ مفيش عنده مبدأ
بيبع كل أهله عشان الفلوس

حنقعد نحارب وملناش مآرب
دا كلك عقارب وفيهم وحوش
نروحوا الجريده بأفكار جديده
ويكرمننا ربك براجل بشوش
يهون علينا .. وياخذ بايدينا
أكيد (الرقابة) حتقدر تحوش

تشدد عليهم وتكسر عنهم
ساعتها الדיابة حيقوا جحوش
ريحتهم وفاحت فلوسنا وراحت
ويارب بارك فى باقى القروش

(فتح يا ذوق)

وصفتك لقلبي برغبة وذوق
لقيتنى بحبك ومليانه شوق
وحيت لك ادلك وحبيت اقولك
لقيتك معاند وباصص لفوق
وقلبك دا يعنى خلاص بيقى باعنى
وحاطط رقبتي وقلبي فى طوق
بلاش القساوة وبطل شقاوة
وشوف الحلاوة وفتح يا ذوق

(خللو الطبق مستور)

إزاي يضيع ورثنا
بالكوسة والعجور

واحننا اللى كان ملكنا
كله عزب وقصور
رحنا لبیت عمنا
بالتاكسى والحنطور
قلنا له هات حقنا
قام قال لنا (بنجور)
بكره حیوصل لكم
لما أكون میسور

روحنا وف عقلنا
نرجع له بعد شهرور
نصبر علیه كلنا
یمكن یكون معذور
عشنا معاه بالأدب
عشرین سنه وكسور
ساکتین علیه م العشم
وبنحسبه عصفور
یطلع فى لحظة غضب
وحش إنما مسعور
الناس كلت وشنا
لما ابتدینا نثور

قلنا بلاش الزعل
نمشوا ف طريق النور
و نلخصوا المشكله
تبقى فى ست سطور
ونروحوا (للمصلحة)
تعمل لنا منشور
و نشوفوا ليه عمنا
كل حقنا بالزور
قدمنا للبيه طلب
أشر عليه مشكور
قال دالكلام فيه غلط
فى الجار والمجرور

يعنى اللى مكتوب هنا
بيخالف الدستور
يبقى كلامكم كذا
وقعو فى المحذور
قلنا له لأ والنبي
د الواد دهه مغرور
احرق يايه الطلب
واشطب على المذكور
ساعة ما قالوا كده

حسيت بدمى يفور
قلت السماح والرضا
أصلى أنا مقهور

لو شفت وشى هنا
علقنى فى الحنطور
وان قلت فىن حقنا
احسنى ست شهور
قال لو كلامكم كدا
يبقى عليكم نور
فارقونا واتأدبوا
واتنيلوا فى جحور
واياكو تتكلموا
خللو الطبق مستور
هوا انتو فاهمين كدا
حاصلحو المكسور

وأنت يا كايـد العدا
يا شهم.. يا دبور
ورينا عرض القفا
وانجر ياللا وغور
شايفين يا ناس غدرهم

ده عدل والا فجور
الظلم زاد فى البلد
حامياه كلاب ونسور
والحق ضاع والبشر
سايبينه ليه مهجور
دلوقت بس اتعرف
ليه قرشنا منظور

وبيعملوا لنا عمل
أسود مالوهشى بخور
يا رب زيح عننا
واحميننا بالدستور

فـزورة (4)
ضيغنا المعظم .. قاعد ينظم

اكنه حاسس بالمسئليه
ادوله حسبه ما تجبشى عزبه
قال مشى نفسك بالحسبه ديا
ممكن تكفى لو كات مشفى
من غير وساطه أو محسوبيه
د القمح ياما والقطن ياما
عند المنايفه والطنطاويه
والفول بزیه والرز زيّه
عند الصعايده والكفراويه

والفرن والنع والنفط طالع
عند الساويسه والسيناويه
أما الجمارك الله يبارك
تكفى سفاجه واسكندريه
واللا المراكب ماشيه ف مواكب
جايبين رسومهم الدولاريه
جيت مره اقول له : راح فين دا كله
فكر وقاللى حلمك عليا
مش بتحاسبني اقعد حاسبني
واعرف حكاية الحسبه ديا
يمكن نلاقى فيه (نقد) باقى
تبقى الحكاياه خفت شويه

احسب ياسيدى .. مكتوب بايدى
نص الموارد راح للماهيه
والربع كله .. خلصته كله
فى مشروعانا للتنمويه
والباقى فاكهه مش زى دكهه
تخده المصالح بالعند فيا
والأمر عادى عندى السنه دى
نفس المشااكل المصرفيه
فيه ناس كثيره مرضى وفقيره
مفروض دواهم بيقى عليا
والكل عايز حبة برايز
خلونا نغرق فى المديونيه

مش بالعباطه دا الواد (شلاطه)
سارق (سباطه) م النخله ديا
والناس جابوها عندى وسابوها
وادونى حته م الجلابيه
والبحث جارى جوا المجارى
ع البنت (زوبه) المفتريه
الواد بتاعها شغال تبعها
خلاته يهرب فى الازبكيه

عايزينها فوضى يسرق ونرضى
فاكرينا احنا نبقوا الهفيه
احوال عجيبه من ناس غريبه
متشوفشى منها الا الاذيه

كل الحاجات دى ممكن تعدى
لو خليناها للمغريبه
احنا وراهم .. عارفين دواهم
والشغل كله بالسرعه ديا
لازم نحافظ ويا (المحافظ)
ع اللى بيطلع م الميزانيه
فاكر كلامك ساعة ملامك
مش كنت انت مقموص عليا
أياك تجينى بينك وبينى
وتقوللى بحبح أيديك شويه
فيه حد حاشك تقبض معاشك
اللى أنت خدته قدام عنيه

والا انت فالح تقضى المصالح
وتسبنى اغرق فى المديونيه
قلت الحكايه مله اش نهايه
تلزمها غنوه ع (السمسيميه)

الفكره واضحه والشغله واضحه
والله هوا صعبان عليا
فكر ياخلى ويسرعه قوللى
مين هوا صاحب الشغله ديا

(الزمى حدودك يا عيشة)

السكوت ع الظلم خيبه
وان أكلنا الحق عيبه
تبقى فوضى يعنى سيبه
لو مكانشى فيه حساب
بص للشيبه وألف
د انت مخك ده مكلف
الجواز عيبه وتخلف
واللا حظك كان هباب
غرق البرغوت فى دمه
يطلع المحروس لأمه

يبقى عايش كل هممه

يسعى ويجيب الخراب
الملاحة زاد عددهم
وابتدى يظهر غضبهم
لو بعدنا حبه عنهم
ينبحوا زى الكلاب
م الاذاعة امنعوهم
هيا مش عزبة أبوهم
واوعوا تجروا وتسيبوهم
دول بيتحدوا الشباب
عندهم (ابليس) هانم
شكلها مش شكل هانم

لو تشوفها أى هانم
تستخى فى الدولاب
البهائى خاب خيبتها
والغراب ساكن فى بيتها
لما حد يجب سيرتها
بيكى ويجيله اكناب
مش عاجبها الدين بتاعنا
اللى وحدنا وجمعنا
لولا فضل الله لجوعنا
واندنا فى التراب

طلعت عشـرين إشـاعه
فى الصـحافه والاذاعه

هيا فى أصول المياعه
ألفت خمسين كتاب
لو كتبتى ميت عريظه
ما يساويش علمك بريزه
دانتي محتاجه لركيزه
عيب عليكى الشعر شاب
تشرى دخان وشيشه
إلزمى حدودك يا عيشه
بكره مش حتلاقى خيشه
تعملى منها الحجاب
د اللى سمعوكى وشافوكى
بيحلفوا ليبهـدلوـكى

لو حيتوسط أبوكى
مش حيتنازلوا الشباب
شوفوا يا خونا الوليه
اللى عينها كات قويه
فاهمه كل الناس غبيه
والأمل مش فى الكتاب

ربنا يسود عيشتها
لما تتكسح فى بيتها
تبقى حتفكر ساعتها
فى القيامة والحساب
هيا دى الست العنيدة
اللى قالت فى الجريدة

ع الشريعة والعقيدة
إنهم وهم وسراب
ربنا موسع عليها
والفلوس جارية فى إيديها
بس مش هالين عليها
تشتري بجنينه حجاب
فرجت للناس خيبتها
وادت الهانم جارتها
اللى فاضل جوا بيتها
م الفواكه والكباب
عامله ده كله بقناعه
ركزت تفكيرها ساعة

حل مشكله المجاعة
يبقى مش لازم حساب

الزى حدوك يا عيشه
والبسى طرحه وبيشه
وامسحى وشك بخيشه
أصله متلغمط هباب
ديننا اهه له رب سانه
مستحيل مخلوق يعانه
لو حتيجوا لحد عنده
يبقى ممنوع الاقتراب

قبلت الوساطة

أغنية :
قبلت الوساطة .. ويا سعدى بيك
وان كنت عارف .. مافيش فايده فيك
بلاش تبقى نارى .. وتعمللى بيه
مدام انت شارى .. ما تسألشى ليه
عشان تبقى غالى .. تخليك صريح
وخليك مهاود .. وخليك مريح
احطك فى بالى .. واخدها ببساطه
واجيلك بحالى .. ومن غير وساطة
واحبك وخلى اللى كان ملكى ليك

ومقدرشى اقولك .. مافيش فايده فيك

(مليون خسارة)

(العزا عند الحكومة)

(والنبأ) عاملين عزومه

أصلهم دابحين بهيمة

إتعمل منها الكباب

رحت للفرع الرئيسى

اللى فيه واحد رئيسى

قاللى دا الشرط الرئيسى

الكلام من غير عتاب

قلت عارف كل حاجة

هو انا واحد خواجه

مش حقولك أى حاجة

بس تنشر لى الكتاب

واستلم منى قصيده

قاللى د الأفكار جديده

بكره حتكون فى الجريده

تنشر من غير حساب

خدها واحد اسمه صبرى

ضهره محنى زى كوبرى

كان كلامه كله (عبري)
واحنا مش ناقصين عذاب
بعد ما اتملا وسمعها
غير العنوان بتاعها

طب ياريتته كان منعها
واللا غطاها بهباب
خصوصولها مساحة واسعه
قلت طب فين المراجعه
اللى قايمين بيها سبعه
هما قاصدين الخراب ؟
الرئيس يأمر بحاجه
والعيال تعمل لى حاجه
أصلهم كاتين (دياجيه)
بلزقوها ف كل (باب)
قلت اشوفه ع الموبايل
قاللى دانت كنت هاييل

الكلام عامل عمايل
بس فيه (بيت) ناقصه باب
دخل (البيت) فى النجاره
والأدب أصبح تجاره

قلت يا مليون خساره
ع اللى فاهمينه الشباب
ربنا يخللى الجريده
واللى عاملين الجريده
اللى كات أحسن جريده
فى الكتابه والحساب

تم بحمد الله

حقوق الطبع محفوظة للمؤلف

رقم الإيداع / 7257 / 2007م

الترقيم الدولي : I.S.B.N

977-17-4537-9

يطلب من المؤلف على العنوان التالى :

دسوق شارع البوستة القديمة خلف بنك الإسكندرية

ت : 047/2566119 _ 047/2565101

047/2551153 _ موبايل : 0125715364